

Na osnovu člana 14. i člana 15. stav (1) tačka b) Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09), člana 50. stav (1) tačka 5. i člana 146. stav (2) Statuta Općine Novo Sarajevo - Prečišćeni tekst ("Službene novine Kantona Sarajevo", broj 5/20 i 20/20 - ispravka), člana 4. Odluke o određivanju iznosa sredstava u Budžetu Općine Novo Sarajevo za oblast sporta i za oblast kulturno-sportskih manifestacija ("Službene novine Kantona Sarajevo", broj 46/22), općinska načelnica donosi

**PRAVILNIK
O USLOVIMA I NAČINU DODJELE SREDSTAVA
UDRUŽENJIMA OD JAVNOG INTERESA IZ OBLASTI
OMLADINSKOG I AMATERSKOG SPORTA,
OČUVANJA KULTURNO-UMJETNIČKE TRADICIJE I
OBRAZOVANJA NA PODRUČJU OPĆINE NOVO
SARAJEVO**

I - OPĆE ODREDBE

Član 1.
(Predmet)

Ovim Pravilnikom utvrđuju se uslovi, načini, kriterij i postupak dodjele sredstava planiranih u Budžetu Općine Novo Sarajevo, na pozicijama za finansiranje udruženja od javnog interesa iz oblasti omladinskog i amaterskog sporta, kulture i očuvanja kulturno-umjetničkog stvaralaštva i oblasti obrazovanja.

Član 2.
(Finansijska sredstva)

Sredstva za finansiranje udruženja od javnog interesa iz oblasti omladinskog i amaterskog sporta, očuvanja kulturno-umjetničke tradicije i obrazovanja (u daljem tekstu udruženja od javnog interesa), osiguravaju se u Budžetu u skladu sa finansijskim mogućnostima Općine Novo Sarajevo (u daljem tekstu: Općina).

Član 3.
(Korisnici sredstava)

Pravo na dodjelu sredstava iz člana 1. ovog Pravilnika, imaju udruženja od javnog interesa koja su kao takva proglašena odlukom Općinskog vijeća Novo Sarajevo.

Član 4.
(Vrste troškova koji se finansiraju)

Dodijeljena sredstva koriste se za sufinansiranje aktivnosti udruženja od javnog interesa i to:

- a) plaćanje režijskih troškova,
- b) plaćanje troškova realizacije programskih aktivnosti,
- c) plaćanje troškova nabavke opreme za realizaciju programskih aktivnosti,
- d) plaćanje ostalih troškova neophodnih za rad udruženja od javnog interesa.

II - KRITERIJI ZA DODJELU SREDSTAVA

Član 5.
(Raspored i visina sredstava)

- (1) Raspored sredstava iz člana 2., ovog Pravilnika, vršit će se na osnovu sljedećih kriterija:
 - a) broj programskih aktivnosti na području Općine,
 - b) usklađenost programskih aktivnosti i ciljeva udruženja sa javnim interesom Općine utvrđenim važećim odlukama Općinskog vijeća,
 - c) broj korisnika programskih aktivnosti na području općine,
 - d) uzrast korisnika programskih aktivnosti na području općine,
 - e) godine postojanja udruženja,
 - f) rezultati udruženja u oblasti za koju je proglašeno od javnog interesa,
 - g) iskazani troškovi u projektu - prijedlogu za finansiranje/sufinansiranje u skladu sa članom 4. Pravilnika.

- (2) Udruženje od javnog interesa koje na području Općine ima manje od 10 programskih aktivnosti godišnje i manje od 100 korisnika programskih aktivnosti u toku godine, ne može dobiti više od 5% sredstava od ukupnog iznosa koji je planiran u budžetskoj godini za konkretnu oblast.
- (3) Udruženje od javnog interesa koje na području Općine ima više od 10 programskih aktivnosti godišnje i više od 100 korisnika programskih aktivnosti u toku godine, ne može dobiti više od 95% sredstava od ukupnog iznosa koji je planiran u budžetskoj godini za konkretnu oblast.
- (4) Uzimajući u obzir kriterije iz stava (1), (2) i (3) ovog člana, konačan iznos sredstava koji se dodjeljuju korisniku određuje se shodno iskazanim troškovima u projektu - prijedlogu za finansiranje/sufinansiranje, a uzimajući u obzir vrstu i značaj programa udruženja od javnog interesa za građane općine Novo Sarajevo.
- (5) Izuzetno od odredaba stava (3) ovog člana, udruženju od javnog interesa koje je kao takvo jedino proglašeno u konkretnoj oblasti, može se dodijeliti i cjelokupan iznos planiranih sredstava, ukoliko zadovoljava kriterije iz stava (1) i (3), te ukoliko je to opravdano dostavljenim projektom/prijedlogom za finansiranje/sufinansiranje troškova.
- (6) Kao relevantan podatak o broju programskih aktivnosti godišnje i korisnika programskih aktivnosti u toku godine, koristi se ovjerena izjava udruženja od javnog interesa i drugi dokazi.
- (7) Pravo na dodjelu sredstava ostvaruju samo ona udruženja od interesa, koja su opravdala dodijeljena budžetska sredstva od strane Općine Novo Sarajevo u prethodnoj godini i koja uredno izmiruju obaveze prema pravnim licima čiji je osnivač Općina Novo Sarajevo.

III - POSTUPAK DODJELE SREDSTAVA

Član 6.
(Javni poziv)

- (1) Postupak dodjele sredstava provodi se putem Javnog poziva, koji raspisuje Općinska načelnica, a koji se objavljuje na službenoj web stranici Općine Novo Sarajevo i ostaje otvoren 30 dana od dana objave.
- (2) Javni poziv obavezno sadrži:
 - a) predmet,
 - b) maksimalnu visinu sredstva koju jedan korisnik može ostvariti,
 - c) potrebna dokumentacija,
 - d) način prijave na javni poziv,
 - e) način odabira korisnika,
 - f) obavještanje prijavljenih korisnika.

Član 7.

- (Potrebna dokumentacija za prijavu na javni poziv)
- (1) Prijava na javni poziv obavezno se podnosi u pisanoj formi, putem protokola Općine Novo Sarajevo i sadrži:
 - a) aktuelni izvod iz registra nadležnog organa u kojem je registriran podnosilac prijave, ne stariji od 6 mjeseci.
 - b) uvjerenje o poreznoj registraciji podnosioca projekta (identifikacijski broj),
 - c) uvjerenje o poreznoj registraciji indirektnih poreza (ukoliko je korisnik u sistemu PDV-a),
 - d) uvjerenje o izmirenim poreskim obavezama ili sporazum o odgođenom plaćanju ili plaćanju u ratama dužnih javnih prihoda, ne starije od tri mjeseca od dana objavljivanja javnog poziva,
 - e) izjava o broju programskih aktivnosti u toku godine - ovjerena kod nadležnog organa,
 - f) izjava o broju i uzrastu korisnika programskih aktivnosti u toku godine - ovjerena kod nadležnog organa,

- g) dokaz o rezultatima udruženja u oblasti u kojoj je proglašeno od značaja (na primjer: broj registrovanih članova, plasman na tablici, učešće na državnim i međunarodnim takmičenjima, festivalima, smotrama, uspjesi i nagrade, aktivnosti na promociji volontizma, timskog rada, kulturno-umjetničkog amaterizma i Općine i slično),
 - h) prijedlog projekta za finansiranje/sufinansiranje u skladu sa članom 4. Pravilnika, sa detaljnom specifikacijom troškova,
 - i) potvrda poslovne banke da račun nije blokiran iz koje se vidi broj transakcijskog računa - ne starija od tri mjeseca od dana objave javnog poziva.
- (2) Dokumentacija iz stava (1) podnosi se u originalu ili ovjerenoj kopiji na starijoj od 6 mjeseci.
- (3) Provjera ispunjavanja uslova iz člana 5. stav (7) ovog Pravilnika izvršit će se službenim putem.

Član 8.

(Komisija za odabir korisnika i postupak odabira korisnika)

- (1) Komisiju za odabir korisnika, imenuje općinska načelnica, na prijedlog nadležne Službe (u daljem tekstu Komisija).
- (2) Komisija se sastoji od tri člana i jednog zamjenskog člana, koji su uposlenici Općine Novo Sarajevo.
- (3) Služba za obrazovanje, kulturu i sport, pruža svu neophodnu administrativno tehničku-podršku radu Komisije.
- (4) Komisija je zadužena da zaprimi i pregleda sve prijave, utvrdi ispunjenost propisanih uslova i predloži iznose sredstava koji se dodjeljuju korisnicima koji su ispunili sve uslove.
- (5) Prijave kandidata koje ne ispunjavaju sve formalne uslove iz javnog poziva ili koje se ne odnose na aktivnosti koje će biti finansirane neće biti uzete u razmatranje.
- (6) Komisija obavještava kandidate koji nisu ispunili uslove javnog poziva o razlozima nerazmatranje njihove prijave. Na ovu obavijest Komisije moguće je uložiti prigovor općinskoj načelnici u roku od 5 (pet) dana od dana prijema obavijesti.
- (7) Prijedlog za finansiranje koji je utvrdila Komisija, Komisija dostavlja svim podnosiocima prijave, uz mogućnost ulaganja prigovora općinskoj načelnici, u roku od 5 (pet) dana, od dana zaprimanja obavijesti.
- (8) Po konačnosti prijedloga za finansiranje općinska načelnica donosi zaključak o odobravanju isplate sredstava.

IV - OBAVEZE KORISNIKA SREDSTAVA

Član 9.

(Pravdanje utroška dodijeljenih sredstava)

- (1) Sa korisnicima sredstava kojima su dodijeljena sredstva iz člana 4. sklopit će se ugovor o namjenskom utrošku sredstava i isti su dužni u roku od 30 dana od okončanja aktivnosti, a ne kasnije od 15. decembra tekuće godine dostaviti narativni i finansijski izvještaj o utrošku dodijeljenih sredstava, sa pratećom finansijskom dokumentacijom. Prihvataju se troškovi koji su nastali u periodu od 01.01. do 31.12. tekuće budžetske godine.
- (2) Korisnik sredstava koji ne opravda dodijeljena sredstva, obavezan je ista vratiti i nema pravo ponovnog apliciranja naredne godine.

V - PRIJELAZNE I ZAVRŠNE ODREDBE

Član 10.

(Stupanje Pravilnika na snagu)

Ovaj Pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 16-11-3-1532/25

Općinska načelnica

14. februara 2025. godine

Prof. dr. **Benjamina Karić**, s. r.

Na osnovu člana 14. i člana 15. stav (1) tačka b) Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09), člana 48. stav (4) Zakona o sportu ("Službene novine Kantona Sarajevo", broj 45/12 - Prečišćeni tekst i 36/21), člana 50. stav (1) tačka 5. i člana 146. stav (2) Statuta Općine Novo Sarajevo - Prečišćeni tekst ("Službene novine Kantona Sarajevo", broj 5/20 i 20/20 - ispravka), člana 4. Odluke o određivanju iznosa sredstava u Budžetu Općine Novo Sarajevo za oblast sporta i za oblast kulturno-sportskih manifestacija ("Službene novine KS", broj 46/22), općinska načelnica donosi

PRAVILNIK**O USLOVIMA, KRITERIJIMA I NAČINU DODJELE
SREDSTAVA ZA OBLAST VRHUNSKOG TIMSKOG
SPORTA NA PODRUČJU OPĆINE NOVO SARAJEVO
I - OPĆE ODREDBE**

Član 1.

(Predmet Pravilnika)

Ovim Pravilnikom utvrđuju se uslovi, kriteriji i način dodjele sredstava planiranih u Budžetu Općine Novo Sarajevo za pružanje finansijske podrške vrhunskom timskom sportu, s ciljem afirmacije ove oblasti sporta i postizanja vrhunskih rezultata.

Član 2.

(Definicija vrhunskog timskog sporta)

Vrhunski timski sport u smislu ovog Pravilnika podrazumijeva sportske aktivnosti klubova koje obuhvataju pripremu i takmičenje ekipa koje na europskom nivou ostvaruju vrhunske rezultate.

Član 3.

(Finansijska sredstva)

Sredstva za finansiranje vrhunskog timskog sporta osiguravaju se u Budžetu Općine Novo Sarajevo u skladu sa finansijskim mogućnostima Općine.

Član 4.

(Korisnici sredstava)

Pravo na dodjelu sredstava imaju sportska udruženja pod sljedećim uslovima:

- a) da im je osnovna registrovana djelatnost timski sport,
- b) da su registrovana kod nadležnog ministarstva pravde u Bosni i Hercegovini,
- c) da imaju registrovano sjedište na području općine,
- d) da primarno svoje aktivnosti realizuju na području općine,
- e) da su se takmičili ili da su plasirani na zvaničnim takmičenjima (ligama) na europskom nivou.

Član 5.

(Vrste troškova koji se finansiraju)

Dodijeljena sredstva koristit će se za sufinansiranje aktivnosti sportskih udruženja i to:

- a) plaćanje troškova održavanja sportskog terena ili sportskog borilišta,
- b) plaćanje putnih troškova sportskih ekipa i pratećeg osoblja u državi i u inostranstvu,
- c) plaćanje troškova ishrane sportskih ekipa i pratećeg osoblja u državi i u inostranstvu,
- d) plaćanje troškova sportskih priprema,
- e) plaćanje troškova administrativnog osoblja i administrativnih usluga,
- f) nabavka sportske opreme,
- g) plaćanje troškova podrške talentovanim sportistima koji su slabijeg imovinskog stanja, a koji su prepoznati kao potencijalni vrhunski timski sportisti,
- h) ostali troškove koji su neophodni za rad sportskog udruženja (režijski troškovi i slično).